

Class 10 Social Science

Lesson - 12

Bodo Medium

खावरि आरो बेंक बेबस्था

रांखान्थि बिगियान

गिबि खोन्दो

उनसोलोंथि

सुंथाब थार फिननायनि सोंलु :

सों 1. सोलाय सोल' खान्थिया मा?

फिन : बबेबा मुवाजों थोंजों सोलाय सोल' खालामलायनायानो जादों सोलाय सोल' खान्थि।

सों 2. खावरिया मा?

फिन : सोलायनायनि बिजों मह्रै सरासनस्रा गनाय जानाय आरो लोगोसे मुवानि बेसेननि मानथाखों आरो बेसेननि बाख्रि मह्रै हाबा मावफुंनाय जायखिजाया मुवायानो जाबाय खावरि।

सों 3. खावरिनि गुबै हाबा मोनसे मख'।

फिन : खावरिनि मोनसे गुबै हाबाया जाबाय– खावरिया जाबाय सोलाय सल 'नि बिजों।

सों 4. खान्थियारि नडिः खावरिनि बिदिन्थि हो।

फिन : खान्थियारि नडिः मुद्राय जाबाय- सेक।

सों 5. थान्दैयारि लेखा बिलाइनि खावरिया मा?

फिन : सोलाय सोल 'नि बिजों महरै लेखा बिलाइनि खावरि बाहायनाय जायो। सिगांनि लेखा बिलाइनि खावरिनि समान बेसेननि सना एबा रुफासिम महर सोलायनाय जायोमोन। थामहिनबा 100 रांनि लेखा बिलाइनि खावरि 100 रां बेसेननि सना एबा रुफासिम महर सोलाय जायोमोन। बिदि लेखा बिलाइनि खावरिखौ थान्दैयारि लेखा बिलाइ बुंनाय जायो।

सों 6. बेंकआ मा?

फिन : बेंकआ रोखोमसे राडारि फसंथान जाय दाहार होनाय फालांगि खालामो। बेंकआ दोनथुमग्राफोरनिफ्राय दोनथुमनाय बुथुमो आरो बुथुमना मोननाय दोनथुमनायखौ दाहार लाग्राफोरनो दाहार हरो।

सों 7. रिजार्भ बेंक अब इण्डिया बबे मायथायाव गायसनजादोंमोन?

फिन : 1935 माइथायाव गायसनजादोंमोन।

सों 8. सोलिनाय आमनता मा?

फिन : सोलिनाय आमानता जाबाय– दोनथुमग्राया दोनथुमोब्ला एबा जमा खालामोब्ला जमा दोनग्राया गावनि जमा दोननायखौ जायखिजाया समावनो सेकनि जोहै दिहुनना लानो हायो।

सुंद 'यै फिननायनि सोंलु

सों 1. सोमोन्दो गैलायि आंखाला सोलाय सोल' खान्थियाव माबादि जेंना सोमजि होयो?

फिन : सोमोन्दो गैलायि आंखालाव सोलाय सल' खान्थिया मावफुं जाया। जायखिजाया जौगाफु समाजाव आंखालनि गोनांथिखौ थियै मिथिलायनाया गोब्राब। सोलाय सल खान्थिया सोलिनायनि थाखाय सानै मानसिनि आंखला गावबा गाव सुफुं जानो नांगोन। थामहिनबा सानै मानसिया हरलायनाय मुवा बेसादआ सानैनिबो थाखाय गनायजाथावना जानो नांगोन। गनाय जाथावना नङाब्ला बेयो गोबां जेंना सोमजिहोगोन। बिदिनो गोरबलायनाय गैयिनि सोलाय सल खान्थिया लासैनो गैया जाबाय।

सों 2. बेसेननि बाख्रि होनोब्ला मा बुजियो?

फिन : मानसिया आरजिनायनि मोनसे बाहागोखौ दोन थुमना दोननो नागिरो। खावरिनि गेजेरजों बे दोनथुमनाय हाबाया मावफुं जायो। बेनि जाहोना जाबाय खावरिया गोरलैयैनो थिनानै दोनजायो। बेयो गुबुन मुवा बेसादफोरबादि गाज्रि जालाडा। दोनथुमनायनि गेजेरजों खावरिखौ मुवा बेसाद बायनायाव बाहायनो हायो। मानसिफोरा इयुननि रैखाथि, इयुननि लेन देन आरो आयनि थाखाय दोनथुमनो नागिरो। बेनिखायनो खावरि दोन थुमनाया इयुननि थाखाय गोनांथार। बेनि थाखायनो खावरिखौ मुवा बेसादनि बेसेननि बाख्रि बुंनाय जायो।

सों 3. खावरिनि बबे आखुआ बयनिखुयबो गोनांसिन आरो मानो?

फिन : खावरिनि बयनिखुयबो गोनांसिन आखुआ जाबाय- खावरिया सरासनस्रा गनाय थावना गुन गोनां।
खावरिया सरासनस्रा गनाय थावना गुन गोनां जानांगो, नडाब्ला
खावरिया सोलाय सलनि बिजों जानाय नडा।

सों 4. खावरिनि गोरलै गुणा मा?

फिन : जायखिजाया खावरिया समान बेसेननि मुवा बेसादसिम
थाबनो आरो 'थोंजोडै' सोलायोब्लानो खावरिनि गोरलै गुण दं होनना
बुनांगोन। सोलाय सल' खान्थियाव बाहायनाय मुवाफोरा गोरलै गुण
थाया, मानोना मुवाफोरा थाब आरो थोंजोडै गुबुन मुवासिम महर
सोलायब्लाबो मुवाफोरा जोर थाय जाया।

सों 5. 'खावरिया मुवा-बेसादनि बेसेननि मानदान्दा'- बेखेवना लिर।

फिन : खावरिनि हाबाफोरनि गेजेराव मुवा बेसादनि बेसेन सुनाया
मख' जाथाव। गासैबो दाडारि मुवाफोरानो बेसेन दं। उदां
मुवाफोरासो बेसेन थाया। जेरै साननि सोरां, बार, दैमानि दैफोरा
मोनबो बेसेन थाया। जायफोर मुवाफोरा बाजाराव फाननाय बायनाय
जायो बेफोर मुवाफोरा बेसेन दं। खावरि महराव फोरमाय जानाय
मुवाफोरनि सोलनि सल' बेसानानो जाबाय मुवानि बेसेन। खावरिया
मुवानि बेसेननि सरासनस्रा सुग्रा, मानोना गासैबो राडारि मुवानि
बेसेनखौ खावरिनि महराव फोरमायनाय जायो।

सों 6. सिमा गोनां खान्थियारि आरो सिमा गैयि खान्थियारि खावरिनि फारागथिया मा?

फिन : जाय खान्थियारि खावरिजों थि खालामखानाय बेसेननिल'
लेनदेन खालामनो हायो बे खावरिया सिमा गोनां खान्थियारि खावरि।
थामहिनबा खम बेसेननि लेखा बिलाइनि एबा धातुनि खावरिया सिमा
गोनां खान्थियारि खावरि।

फारसेथिं गोबां बेसेननि खावरिया जागोन सिमा गैयि खान्थियारि
खावरि।

सों 7. ओनसोलारि गामियारि बेंकआ मा हाबा मावो लिर।

फिन : ओनसोलारि गामियारि बेंका मावफुंनाय मोननै हाबाया
जाबाय—

(1) बेफारि, माहाजोनफोरनिफ्राय गोबां हारनि सुत होनानै दाहार
लांनाय गामियारि मानसिफोरनो एसेल' हारनि सुत लानानै दाहार
होनानै मदद होनाय।

(2) गामियारि थिनाय बुधुमनानै बायदि दिहुनथायारि हाबायाव बै
थिनायखौ बाहायनाय।

सों 8. बेनक नडि फसंथानफोरा बेंकनिफ्राय मा बादि जुदा?

फिन : बेंक नडि फसंथानफोरा बेंक बादि चेक होनो हाया।
बेनिखायनो बिदि फसं थानफोरनिफ्राय थिगिरिफोरा गावनि
जमायनाय रांखौ चेकनि गेजेरजों दिहुननो खाबु मोना।

गोलाव सोंनायनि फिननाय

सों 1. सोलाय सल' खान्थिनि मोनब्रै जेंनानि सोमोन्दै बेखेवना लिर।

फिन : सम बारग 'नाय लोगो लोगोनो सोलाय सल' खान्थियाव खायसे जेंना नुजाफैयो। बे जेंनाफोरा जाबाय—

1. गोरोबलायि आंखाल।
2. सानजादनि गनायथाव सुनगुदि आंखाल।
3. बाहागो रानजायि एबा सिफाय जायिनि आंखाल।
4. बेसेननि बाख्रिनि आंखाल।

सों 1. **गोरोबलायिनि आंखाल** : आंखाल एबा गोनांथिनि गोरोबलायनाय गैयाब्ला सोलाय सल' खान्थिया मावफुं जाया। गावनो गाव गसंथानो हाथियानो गावजों गाव सोनारलायनायनि गुबै जाहोन। सोलाय सल' खान्थियाव सानै मानसिनि आंखाल जेरै— सासेनो माइ आरो सासेनो खुसेर नांगौ जायोब्ला सानैबो सोलाय सल'नि गेजेरजों बे आंखालखौ सुफुंनो हायो।

थामहिनबा सानै मानसिनि आंखाल एबा गोनांथिया गोरोबलायनाय जानांगोन। माइ आरो खुसेर नागिर 'नाय सानै मानसिया गावजों गाव सोनारलायनाय आरो बिसोरनि आंखाला गावजों गाव सुफुंजानाय। नाथाय माइनि बिगोमाया खुसेरनि सोलाय नासो नागिरोब्ला बिसोरनि गेजेराव सोलाय सल'नि खान्थिया जानाय नडा। बिदिनो 'सोलाय सल' खान्थिया जोबलाडो। खावरिया बे जेंनाखौ फोजोबबाय। माइनि बिगोमाया माइखौ फाननानै मोननाय रांजों नाखों बायनो हादों।

सों 2. **सानजादनि गनायथाव सुनगुदिनि आंखाल** : सोलाय सल' खान्थियाव मुवा बेसादनि बेसेननि बेलायाव गोबां जेंना नुजायो।

સોલાય સલ' યાનિયાવ ગુબુન ગુબુન મુવા બેસાદનિ ગનાયજાથાવ બેસેન થાયા। બેબાદિ થાસારિયાવ ગાસૈબો મુવા બેસાદઁ મોનફા બેસેનજોં ફોરમાયનાયા ગોરલૈ નડા। બેસાદનિ બેસેનઁ થિ યાલામનાયા આંયાલનિ સાયાવ સોનાર નાનૈસો યાલામનાય જાયો। જૈરૈ- થાઈસે આપલજોં થાઈથામ સમફ્રામ સોલાયદોં। બિદિબ્લા થાઈસે (1) આપેલ = થાઈથામ (3) સમફ્રામ। નાથાય આપેલનિ સોલાય સલ' હારા થાઈસેલ' જાનો હાયા।

બાજારાવ જેસેબાં મુવાફોર દં બેસેબાં મુવાનિ ઁલથાયૈ 'સોલાય સલ' હાર થાનાંગોન। ગાસૈબો મુવાનિ સોલાય સલ' હારઁ ગોસોઆવ લાનાયા ગોરલૈ નડા। યાવરિ બેબસથાયાવ યાવરિયા જાબાય ગનાય થાવ સુનાયમાન। મોનફા મુવાનિ સોલાય હારઁ જુદા જુદા મુવાનિ સોલાય સલ' હારજોં ફોરમાયાલાસે ગાસૈબો મુવાનિ સોલાય સલ' હારઁ યાલિ યાવરિનિ હેફાજાબાવ ફોરમાયનાયનિ થાયાય સોલાય સલ'નિ બે જેનાયા જોબલાંબાય।

સોં 3. બાહાગો રાનજાયિ ઁબા સિફાય જાયિનિ આંયાલ : માયાસે મુવાફોર દં જાયફોરઁ ફિસા ફિસા બાહાગોઆવ રાનનો હાયા। સોલાય સલ' યાનિયાવ બેફોરબાદિ મુવાયા જેના સોમજિ હોયો। જૈરૈ-મૈદેર બિગોમાનો સેરસે માઈરં નાંગો। માઈરં સેરસે આરો મૈદેર માસેનિ બેસેના સમાન નડા। નાથાય મૈદેરઁ બાહાગો રાનજાયા। યાવરિ બેબસથાયાવ બે જેનાયા થાયા। યાવરિયા રાનનો હાનાય।

ગોબાં બેસેનનિ લેનદેનનિ થાયાય જિબાદિ યાવરિ દં બિદિનો ઁસેલ' બેસેનનિ લેનદેનનિ થાયાયબો યાવરિ દં। 1000 રાંનિ લેયા બિલાઈનિ ન'ટઁ 500, 100, 50, 20, 10, 5 રાંનિ ન'ટસિમ આરો 5 રાંઁ 2,1 આરો 50 ફૈસાસિમ યુસ્રા સિફાયનાનૈ લાનો હાયો। 55 ફૈસાનિ લેનદેનાનો જાથોં ઁબા કૌટિ રાંનિ લેનદેનાનો જાથોં યાવરિ બેબસથાયાવ બાહાગો રાનજાયિ ઁબા સિફાયજાયિ જેના સોમજિનો હાયા।

सों 4. बेसेननि बाखिनि आंखाल : बेसेन बुडोब्ला मुवा बेसादनि बेसेनखौनो मिथिनांगोन। मुवा-बेसादफोरा गोबाव समसिम थिनानै दोनजाया। ना, गाइखेर, दाउदै बायदि मुवाफोरा बारा गोबावसिम थिजाया। गोबाव थिनानै दोनोब्ला गाज्जि एबा सेवना थाडो। सोलाय सल' खान्थियाव बेसेननि महरै मुवाखौ थिनाने दोन थुमनांगोन। गुबुनफारसे मुवानि बाखि थिनानै दोननाया खाबु गोनां नडा, खावरिया बे आंखालखौ फोजोबबाय।

खावरि बेबस्थायाव मुवा थिनानै दोननाडा। खावरि महरै थिनानै दोनजायो। फिथाइ, सामथाइ, मैगं थाइगंफोरबादि बे थिनाया सेवनानै थाडा। सासे सुबुडा बे थिनानै दोननायखौ गावजों गाव लाफाया लासै बेंकफोरावबो जमा दोननो हायो आरो जेब्लानो नांगौ जायो अब्लानो दोन थुमनाय खावरिजों गोनां मुवा बायना लानो हायो। बेनिखायनो खावरिखौ मुवा बेसादनि बेसेननि बाखि बुंनाय जायो।

सों 2. खावरिनि जायखि जाया मोनब्रै गाहाइ आखुथाइनि सोमोन्दै बेखेवना लिर।

फिन : खावरिया खायसे आखुथाइफोर दड। जायफोर आखुथाइफोरखौ सरासनम्रा मानसिफोराबो सिनायनो। हायो। बे आखुथाइफोरनि गाहायनि मोनब्रै आखुथाइखौ बेखेवनाय जाबाय—

1. खावरिया सरासनम्रा गनाय थावना जानांगोन।
2. खावरिनि सिनायथिया गोरलै जानांगोन।
3. खावरिया गोरलैयै गाज्जि जानाय मुवा जानो हाया।

4. खावरिया सिफाय जानाय।

1. खावरिया सरासनस्रा गनायथावना जानांगोन : खावरिखौ सरासनस्रा मानसिफोरा गनायना लायो। सरासनस्रा गनायजाथावना गुन थायाब्ला खावरिया सोलाय सल'नि बिजों जानो हाया। खावरिनि आखुथाइफोरनि गेजेराव बे आखुथायानो बयनिखुइबो मख 'जाथावसिन।

2. खावरिनि सिनायथिया गोरलै जानांगोन : जुदि खावरिनि सिनायथिया गोरलै जाया, अब्ला बेखौ रावबो नाजावनाय नडा आरो मुवा बायनाय—
फाननाय समाव जेंना नुजानो हागौ।

3. खावरिया गोरलैयै गाज्रि जानाय मुवा जानो हाया : ना, दावदै, गाइखेर बायदिफोरनि मोनसेबो खावरि जानो हाया। मानोना बेफोर मुवाया गोलाव समसिम जोरनानै थाया। खावरिया थिनायनि बाख्रि जानोब्ला खावरिफोरा गोबाव सम जोरना थानांगोन।

4. खावरिया सिफाय जानाय : गोबां बेसेननि खावरिखौ खम बेसेननि खावरिसिम महर सोलाय होनो हायो। सोलाय सल' खान्थियाव मुवाफोरा सिफाय जायियाव सोलायनायाव जेंना नुजाफैयोमोन। खावरि बेबस्थायाव बे जेंनाया जोबो। 50 फैसानि लेनदेनाबो जानो हायो आरो 5 कौटिनि लेनदेनाबो जानो हायो।

सों 3. खावरिया मावफुंनाय मोनब्रै गुबै हाबा बेखेवना लिर।

फिन : खावरिनि गुबै मोनब्रै हाबाया जाबाय—

1. खावरिया सोलाय सल 'नि बिजों।

2. खावरिया मुवा बेसादनि बेसेन सुग्रा महरै हाबा मावो।

3. खावरिया दोनथ'नाय होनांगौ-मोननांगौनि मानदान्दा महरै हाबा मावफुडो।

4. खावरिया बेसेननि बाख्रि महरै हाबा मावफुनांगौ।

1. खावरिया जादों सोलाय सल'नि बिजों : सोलाय सल' खान्थियाव मुवानि सोलाय मुवा थोंजों सोलायनाय जायोमोन। खावरि बेबस्थायाव मुवानि सोलाय मुवा खेंसालियै सोलायनाय जायो। माइरं दिहुनग्रा मानसिया माइरं फाननानै खावरि बुथुमो आरो बै खावरिजों बियो खुसेर बायगोन। सोलाय सल' खान्थिनि मोनसे लेनदेना खावरि बेबस्थायाव मोननै लेनदेनाव सोलायबाय। खावरिया जाबाय लेनदेननि बिजों। जाय खावरिया सोलाय सल'नि बिजों महरै खामानि मावफुनो हाया बे खावरि जानो हाया।

2. खावरिया मुवा बेसादनि सुग्रा महरै खामानि मावो : गासैबो राडारि मुवाफोरानो बेसेन दं। उदां मुवाफोरासो बेसेन थाया। साननि सोरां दैमानि दै बायदिफोरनि थाखाय बेसेन होनाडा। जायफोर मुवाफोरा बाजाराव बायनाय फाननाय जायो बैफोर मुवाफोरा बेसेन दं। खावरि महराव फोरमाय जानाय मुवाफोरनि सोलाय सल' बेसेनानो जाबाय मुवानि दाम। खावरिया मुवानि बेसेननि सरासनस्रा सुग्रा, मानोना गासैबो राडारि मुवानि बेसेनखौ खावारिनि फोरमायनाय जायो।

3. खावरिया दोन थनाय होनांगौ -मोननांगौनि मानदान्दा महरै हाबा मावफुडो : माखासे मुवा आरो उफेरा सम्पद बायनाय फाननायनि समाव दामखौ लोगो लोगो होनाय जाया। दाहारनि

बेलायावबो दाहार लाग्राया दाहार होग्रानो दाहार सुजायनायाव सम लायो। बिदि बिथिडाव दोहोन होनाय खान्थिया थाब जाया, खान्थिखौ दोनथ'नाय जायो। गासैबो दोनथ 'नाय होनो गोनां मोननो गोनांनि हिसाब खावरिनि महराव फोरमायनाय जायो।

4. खावरिया बेसेननि बाख्रि महरै हाबा मावफुंनांगौ : मुवाखौ थिनानै लाखिनो हाया। मुवाफोरा थाबनो गाज्रि जालाडो सोलाय सोल' खान्थियाव बेनिखायनो थिनायनि बाख्रि गैयामोन। खावरि बेबस्थायाव खावरिखौ थिनानै लाखिनो हायो आरो थिनाय खावरिखौ नांगौबादियै मुवा बायनायाव बाहायनो हायो। बे विथिनिफ्राय खावरिखौ मुवाफोरनि बेसेननि बाज्रि होनना बुंनो हायो। अदेबानि जरखा मोनसे थासारियाव खावरिनि बेसेननि दिदोमथिया आबुडैगोमा लाडोब्ला (बिदिन्थि महरै सानथावि बादियै थाद 'नाय गैया जासे मुवा-बेसादनि बेसेना बाडोब्ला) खावरिया थिनायनि बाख्रि महरै हाबा मावफुंनो हानाय नडा। बिदि थासारियाव सरासनस्रायै सना एबा हा एबा गुबुन उफेरा सम्पदफोरासो थिनायनि बाख्रि जानानै फैगोन।

सों 4. चेक गांसेया खावरि ना? जुक्ति होना सावराय।

फिन : चेक गांसेया गुबैयै खावरि नडा। खावरिनि सायाव थानाय मोनसे दाबिलसो। आथिखालाव लेन-देननि बेलायाव चेकखौ गोबां रोखोमै बाहायनाय नुनो मोनदों। नाथाय चेकआ खान्थियारि खावरि नडा। अदेबानि चेकआ गुबै, खावरि नाडाब्लाबो जोबोद खम समनि गेजेरावनो बेखौ खावरियाव महर सोलाय होनो हायो। बेनिखायनो चेकखौ सेरावनि खावरि बुंनाय जायो।

सों 5. खावरिया सोरजिनाय मोनब्रै जेंनानि सोमोन्दै लिर।

फिन : खावरिनि गेजेरजों जेसेबां सुबिदा मोनदों खायसे बेलायाव जेंनाबो सोरजिहोदों। बे जेंनाफोरखौ गाहायाव सावरायनाय जाबाय।

1. खावरिनि बेसेना थादवा जासे खमायोब्ला रायजोफोरा जेंनानि मोगा मोगि जानाडो, मानोना बिसोर एखे मुवाखौनो बायनो गोबां रां बाहायनांगौ जायो। मुंथियै थि आयनि मानसिफोरा रांखान्थि बिथिडा लोरबां जायो। थिग बिदिनो मुवानि बेसेनफोरा बांद्राय खमायोब्ला अदेबानि खावरिनि बेसेना बाडोब्ला दिहुनग्राया खहा जानो गोनां जायो।

2. खावरिया रांखान्थियारि सम्पद आरो आय खौसे खालामनायनि रोखोमसे आगजु जानो हायो। खावरिबिथा रांखान्थियाव खावरिया रांखान्थियारि गोहो बुथुमनायनि राहा जानानै फैयो।

3. खावरिनि फारसे थानाय लोरबांथिया समाजारि बेसेनथिनि जामख 'नायनि जाहोन जानो हायो। गाज्रि खान्थि, नेम बेरेखा, बिसार खालामिनि गुदियानो खावरि होननानै बुंब्ला बांद्राय जानाय नडा।

4. खावरिनिफ्राय गोसोम खावरि सोमजियो। गोसोम खावरिया रांखान्थियारि दायजों। जेरै— आयन खाजोना थगायनाय, सरजाबनाय। बेफोरबादि दायनि जाहोनाव सोरखारा खाजोना खोमानांगौ जायो।

सों 6. मिरुवारि बेंकनि मोनब्रै गाहाइ खामानिनि सोमोन्दै लिर।

फिन : मिरुवारि बेंकआ माखासे खामानि मावफुंनांगौ। बेफोरनि मोनब्रैया जाबाय :

1. लेखा बिलाइनि खावरि सेबखाडो।

2. दाहार खावरि सामलायो।

3. बेंकफोरनि बेंक।

4. सोरखारनि बेंक।

1. लेखा बिलाइनि खावरि सेबखाडो : मिरुवारि बेंक- आ लेखा बिलाइनि खावरि सेबखाडो। मिरुवारि बेंकआल' बे मोनथायखौ मोनो। गुबुन जेबो बेंकआ बे 'मोनथायखौ मोना।

2. दाहार खावरि सामलायो : मिरुवारि बेंकआ रैखाथि खावरि आरो दाहार खावरिनि बिबांखौ सामलायो। बे खावरिया गासै खावरिनि मोनसे गोख्रों बाहागो। फालांगियारि बेंकफोरनि दाहार होनाय गोहोनि सायाव रैखाथि खावरि एबा दाहार खावरिनि बिबाडा सोनारो। मिरुवारि बेंकआ दाहार सामलायनायनि बेबस्थाखौ गनायनानै फालांगियारि बेंकफोरनि दाहार होनो हानाय गोहोखौ सामलायनो हायो।

3. बेंकफोरनि बेंक : गासैबो बेंकफोरनि हिसाब-निकास मिरुवारि बेंकआ नायफिनो। मिरुवारि बेंकआ गुबुन गुबुन बेंकफोरनि खैफोद समनि लोगो। राडारि आंखालनि समाव मिरुवारि बेंकआनो गुबुन बेंकफोरनि रैखागिरि जायो।

4. सोरखारनि बेंक : बाजेट खहाखौ फोजोबनो जोंनि हादराव मिरु सोरखारा मिरुवारि बेंकनिफ्राय राडारि मदद लानो हायो। मिरुवारि बेंकआ गोदान खावरि दिहुननानै बे मददखौ खालामो। मिरुवारि बेंकआ सरखारनि सुबरन होग्राबो। सोरखारनि आयखान्थि, खाजोना खान्थि, फालांगि खान्थि बायदिनि सोमोन्दै मिरुवारि बेंकआ सुबरुन होयो। मिरुवारि बेंकआ सोरखारनि एजेन्टबो। मानोना गासिबो

सोरखारि बेंकआ सोरखारनि एजेन्टबो। मानोना गासिबो सोरखारि आय आरो बाहायनायनि हिसाबखौबो मिरुवारि बेंकाव लाखिनाय जायो।

सों 7. फालांगियारि बेंकआ मावफुंनाय मोननै गाहाइ हाबाफोरखौ बेखेवना लिर।

फिन : फालांगियारि बेंकनि मोननै गाहाइ हाबाफोरखौ गाहायाव सावरायनाय जाबाय :

1. फालांगियारि बेंकफोरा थिनायखौ बुथुमो : बे थिनाया मोनथाम रोखोमनि

(क) सोलिबाय थानाया अमानत।

(ख) थि अमानत एबा समनि अमानत।

(ग) थिनाय अमानत। सोलिबाय थानाय अमानताव थियोब्ला एबा जमा दोनोब्ला थिगिरि एबा अमानतगिरिया गावनि थिनायखौ जायखिजाया समावनो चेकनि गेजेरजों दिहुननो हायो। थि एबा समनि अमानतनि बेलायाव बिदि खालामनो हाया। बे अमानतखौ दिहुननांगौ जायोब्ला अमानतगिरिया सिगांनो बेंकनो मिथि होनांगोन। थिनाय अमानतनि बेलायाव जमानि मोनसे बाहागो अमानतगिरिया नांगौ जायोब्ला दिहुनना लाबोनो हायो नाथाय गुबुन मोनसे बाहागोखौ दिहुन नांगौब्ला बेंकनिफ्राय सिगांनो गनायथि लाग्रोनांगोन।

2. फालांगियारि बेंकफोरा दाहार होयो : आबादारि, उद्यगगिरि, कारिकर, थेला सालायग्रा, रिक्सा सालायग्राखौ लानानै समाजनि गुबुन गुबुन थाखोनि मानसिफोरा बेंकनिफ्राय दाहार लानो हायो।

दाहारखौ मोजाडै बाहायनायनि जाहोनाव दाहार लाग्राफोरनि राडारि
थासारिया एसे गोख्रों जायो।

सरासनस्रायै फालांगियारि बेंकफोरा गोबाव समनि थाखाय दाहार
होआ। बेनि जाहोना जाबायदि गोबाव समनि थाखाय हमना लानाय
जाबाय 5, 10, 15 बोसोरनि थाखाय, बेंकआ दाहार होयोब्ला दाहार
सुखखाडागौमानि बेंकआ थिनायखौ मोनफिना। बिदियाव
दोनथुमगिरिया गावनि थिनायखौ दिहनना लाबोयोब्ला आरो बेंकआ
बै थिनायखौ हरनो हायाब्ला बेंकनि फारसे राइजोनि फोथायनाया
गैया जागोन आरो समनि फाखनाव बेंकआ बन्दबो जानो हायो।

**सों 8. गाहायाव होनाय फसंथानफोरा मा हाबा मावफुडो सुंद 'यै
फोरमाय :**

(क) आइ दि बि आइ (IDBL)।

(ख) ओनसोलारि गामियारि बेंक।

(ग) आबाद आरो गामि जौगानायनि हादोरारि बेंक।

(घ) भारतारि फिसा उद्यग जौगानाय बेंक।

फिन : (क) आइ दि बि आइ (IDBI) :

आइ दि बि आइ बेनि आबुं बर' ओंथिया जाबाय भारतारि उद्य 'गारि
जौगाखां बेंक। बे बेंकखौ 1964 मायथाइयाव गायसननाय जादों।
बेनि गाहाइ खामानिफोरा जाबाय—

1. उद्य 'गारि फसं थानफोरनो राडारि मदद होनाय।

2. उद्य 'गारि जौगानायजों सरजाबफानाय फसंथानफोरनि गोसारनायाव हेफाजाब होनाय। बे बेंकआ उद्य 'गफोरनि सिम दाहारनि महराव थोंजोडै मदद होयो।

3. रांखान्थियारियै गोग्लैसोनाय ओनसोलफोरनि उद्य 'गफोराव सुतनि हारखौ रेहाइ होनानै बे बेंकफोरा दाहार होयो।

4. बेंकआ ट्रेडनिंनि हेफाजाबाव उद्य'ग गैयि जिलाफोराव उ'द्योग फसंनायाव बाहागो लायो।

(ख) ओनसोलारि गामियारि बेंक :

1975 मायथाइयाव गिबियै गंबा ओनसोलारि गामियारि बेंक गायसननाय जायो। बे बेंकआ मावफुंनाय मोननै गुबै खामानिया जाबाय—

(1) बेफारि, माहाजोनफोरनिफ्राय गोबां हारनि सुत होनानै दाहार लानांनाय गामियारि मानसिफोरनो एसेल हारनि सुत लानानै दाहार होनानै मदद होनाय आरो

(2) गामियारि थिनाय बुथुमनानै बायदि दिहुनथायारि हाबायाव बै थिनायखौ बाहायनाय।

(ग) आबाद आरो गामि जौगानायनि हादरारि बेंक :

1982 मायथाइयाव आबाद आरो गामि जौगानायनि बेंक थामहिनबा नार्बादखौ गायसननाय जायो। नार्बाद बेंकआ मावफुंनाय गाहाइ हाबाफोरा जाबाय :

(1) गामि ओनसोलाव जेसेबां थिसननाय आरो दिहुननायजों सरजाबफानाय फसंथानफोर दं बेफोरनो रां होग्राफोरनि गेजेराव नार्बाद बेंकआनो बयनिबो जौगायाव दं।

(2) दाहार होनाय खान्थि, बिखान्थिखौ नायफिननाय आरो बिजिरनाय, ट्रेडनिं बायदिखौ गोख्रों खालामनो थाखाय नार्बाद बेंकआ राहा लामा लायो।

(3) गासैबो राडगारि फसंथान, भारत सोरखार, राइजो सोरखार, रिजार्भ बेंक बायदिजों नार्बाद बेंकआ सोमोन्दो गायसनो।

(घ) भारतारि फिसा उद्योग जौगानाय बेंक :

बे बेंकनि गाहाइ खामानिफोरा जाबाय :

(1) फिसा उद्योगफोरनि थाखाय जौगा बिरोंदामिन आरो गोदान मुगाजों गोरोबफा होनायनि राहा खालामनाय।

(2) फिसा उद्योग खोन्दोआव दिहुनजानाय मुवाफोरखौ फाननो थाखाय बाजारनि खाबु खालामनानै होनाय।

(3) नोगोरफ्राम एलेकायाव फिसा उद्योगफोराव गोबां थिसननायनि राहा खालामनानै गामि आरो नोगोरफ्राम एलेकानिफ्राय नोगोरसिम थांनायखौ होबा थानाय।

(4) राइजोआरि राडगारि निगम, उद्योगारि निगम, फालांगियारि बेंक, समबाय बेंक आरो ओनसोलारि गामियारि बेंकफोरनो राडगारि मदद

होनाय आरो बे फसंथानफोरनि गेजेरजों फिसा उद्य 'गनो दाहार
होनाय।

उफ्रा फिननायनि सोंलु

(क) सुंथाबथार थामहिनबा से नाम्बारनि सोंनाय फिननाय

सों 1. सोलाय सोल' खान्थिनि जायखिजाया मोनसे जेंना मुंख'।

फिन : गोरोबलायि आंखाल।

सों 2. सोलाय सल' खान्थिखौ माया फोजोबदों।

फिन : खावरिया।

सों 3. खावरिनि फारि दावगाया बेसेबां थाखो दं?

फिन : गासै मोनबा थाखो।

सों 4. खावरिनि फारिदावगानि गिबि थाखोआ मा?

फिन : सोलाय सोल' खान्थि।

सों 5. खावरि महरै मा जुनारखौ बाहायदोंमोन?

फिन : बोरमा।

सों 6. खावरिनि मोननै रोखोमा मा मा?

फिन : हिसाब निकासनि खावरि आरो थार खावरि।

सों 7. भारतनि हिसाब-निकासखौ मानि मानाव फोरमायनाय जायो?

फिन : 'रां' नि मानाव।

सों 8. आमेरिकानि हिसाब निकासखौ मानि मानाव फोरमायो?

फिन : 'डलार' नि मानाव।

सों 9. खान्थियारि खावरिनि मोननै रोखोमा मा मा?

फिन : सिमा गोनां खान्थियारि खावरि आरो सिमा गैयि खान्थियारि खावरि।

सों 10. चेकआ मा रोखोमनि खावरि?

फिन : खान्थियारि नडि खावरि।

सों 11. बिथोनारि खावरिया मा?

फिन : सोरखारि बिथोन बादियै जाय खावरिया सोलाय सोल 'नि बिजों महरै गनाय जायो बै खावरियानो जाबाय बिथोनारि खावरि।

सों 12. गुदुं खावरिया माब्रै सोमजियो?

फिन : आसोल दोहोन गलांनायाव गुदुं खावरिया सोमजियो।

सों 13. बबे खावरिया रांखान्थियारि दाय गोनां?

फिन : गोसोम खावरिया।

सों 14. गोरलैयै मोननाय खावरिया बोरै जायो?

फिन : मिरुवारि बेंकआ सुतनि हारखौ खमायोब्ला दाहार लाग्राफोरा गोबां जागोन खावरि जागायनाया बांगोन। बिदिनो गोरलैयै मोननाय खावरि सोमजियो।

सों 15. बाजार मिरुवारि रांखान्थिनि गाहाइ आखुथाइया मा?

फिन : दाम-दरा।

सों 16. रांखान्थिगिरि क्राउ 'थारनि बादिब्ला बेंकनि गिबि सुबुं सोर सोरखौ बुंदों?

फिन : रांखान्थिगिरि क्राउथारनि बादिब्ला बेफारि, सनारि आरो दाहार होग्रा माहाजोनफोरानो बेंकनि गिबि सुबुं।

सों 17. बेंक सोदोबा बब्ला फोसाव जायो?

फिन : गेजेर मुगायाव इटालीयाव बेंक अन भेनिच गायसननाय लोगो लोगोनो बेंक सोदोबा फोसावजायो।

सों 18. मन्ते सोदोबनि सोलाय जार्मानफोरा मा सोदोब बाहायनाय?

फिनक्ष: bank सोदोबखौ।

सों 19. बेंक बेबस्थानि बिगोमा बेंकनि मुडा मा?

फिन : मिरुवारि बेंक।

सों 20. बयनिखुयबो गोजामसिन मिरुवारि बेंकनि मुडा मा?

फिन : सुइदेननि रिक्स बेंक।

सों 21. भारतबर्षनि मिरुवारि बेंकनि मुडा मा?

फिन : रिजार्भ बेंक अब इण्डिया।

सों 22. 2001 मायथाइनि सुबुं साननाय बादियै भारतबर्षनि गासै बेसेबां सुबुंआ पासबुक खुलिनाय?

फिन : 36 जौखोन्दो सुबुडा।

सों 23. बबे बेंकआ दाहार खावरि सोरजियो?

फिन : फालांगियारि बेंकआ।

सों 24. 2014 मायथाइसिम भारतबर्षआव बेसेबां गं ओनसोलारि गामियारि बेंक सोलिगासिनो?

फिन : गं 57

सों 25. SIDBI (सिदबि) नि गाहाइ मावखुलिया बबेयाव?

फिन : लक्षनौवाव।

सों 26. गंबा ओनसोलारि गामियारि बेंकखौ बब्ला गायसननाय?

फिन : 1975 मायथाइयाव।

सों 27. उद्य 'गिरि फसं थानफोरनो मा बेंक-आ दाहार होयो?

फिन : भारतारि उद्य 'गारि जौगाखां बेंक आ।

सों 28. 'रिजर्भ बेंक अब इण्डिया' बेसेबां मायथाइयाव
गायसनजानाय?

फिन : 1935 मायथाइयाव।

सों 29. बेंक नडि रांडारि फसंथानफोरनि रेजिष्ट्रेसनआ बबेयाव
जायो?

फिन : 'रिजर्भ बेंक अव इण्डिया' आव जायो।

सुंद 'यै फिननायनि सोंलु

सों 1. खावरि नडि धातुमान राहानि मोननै जेंनाखौ लिर।

फिन : 1. सना एबा रुफाया गोगो गोनां नांगौना नडा खनफ्रोमबो
लेनदेननि समाव बेखौ थि खालामनांगौमोन।

2. बेसेन बरहा धातुफोरखौ दाबसेनिफ्राय दाबसेयाव गियालासे
लांनाया गोरलै नाडामोन।

सों 2. खावरि नडि धातुमान जोबलांनायनि मोननै जाहोन लिर।

फिन : (1) सना रुफानि जगायनाया बांनाय गैयि।

(2) गोजानाव लाना थांनायनि जेंना।

सों 3. इंराज रांखान्थिगिरि जियफ्री, क्राउथारनि खावरिनि सायाव
बुंथिनाय बिबुंथिखौ लिर।

फिन : सोलायनायनि बिजों मह्रै सरासनस्रा गनायजानाय आरो
लोगोसे मुवानि बेसेननि मानथाखो आरो बेसेननि बाख्रि मह्रै हाबा
मावफुंनाय जायखि जाया मुवायानो जाबाय खावरि।

सों 4. कर बेंकिं माखौ बुडो?

फिन : आथिखालाव खावरि आरो बेंक बेबस्थायाव खावरिनि थार
गथायनाय जायालासेनो लेनदेन मावफुंनाय जासै। बेंकनि हिसाबनि
खथायाव दाजाब 'दानख' जाबाय। बायग्रानि हिसाबनि न'आव
बेसेनखौ दाजाबनाय जाबाय। बेखौनो कर बेंकिं होनना बुंनाय जायो।

सों 5. खावरिनि मोनब्रै हाबाखौ इंराजीयाव फोरमाय।

फिन : खावरिनि मोनब्रै हाबाखौ इंराजीयाव एरै फोरमायो—

Money is a matter of functions four-a medium, a
measure, a standard and a store.

सों 6. खावरिनि गाहाइ हाबाफोरा मा मा?

फिन : (1) खावरिया जादों सोलाय सोल 'नि बिजों।

(2) खावरिया मुवा बेसादनि बेसेन खुग्रा महरै हाबा मावो।

सों 7. खावरिनि लेडाइ हाबाफोरा मा मा?

फिन : (1) खावरिया दोनथ 'नाय होनांगौ मोननांगौनि मानदान्दा महरै हाबा मावफुडो।

(2) खावरिया बेसेननि बाख्रि महरै हाबा मावफुडो।

सों 8. गुवार ओंथियाव खावरिया बेसेबां रोखोमनि? मा मा?

फिन : गुवार ओंथियाव खावरिया मोननै रोखोमनि।

1. हिसाब-निकासनि खावरि।

2. थार खावरि।

सों 9. मन्ते सोरखौ बुंनाय जायोमोन?

फिन : इटालीनि फिसा फिसा राइजोफोरनि गेजेराव दावहा, नांलाय खमलाय जाफ्लेबाय थानायलाय खुंगिरिफोरनो रां नांनाय जायोमोन। बिदि रांखौ बुथुमनो थाखाय खांगिरि थिसननाय जादोंमोन। बे खांगिरिफोरखौ मन्ते बुंनाय जायोमोन।

सों 10. भारतबर्षनि गिबि बेंकनि मुडा मा? बेयो बल्ला गायसनजानाय?

फिन : बेंकनि मुडा जाबाय बेंक अब हिन्दुस्तान।

1770 मायथाइयाव गायसननाय जादोंमोन।

सों 11. आसामनि गिबि बेंक आ मा? बेखौ बेसेबां मायथाइयाव गायसननाय?

फिन : गुवाहाटी बेंक।

बेखौ 1926 मायथाइयाव गायसनदोंमोन।

सों 12. भारतबर्षनि मिरुवारि बेंक आ मा आरो बेखौ बल्ला गायसननाय?

फिन : मेरुवारि बेंकनि मुडा जाबाय- रिजार्भ बेंक अब इण्डिया।
बेखौ 1935 मायथाइयाव गायसननाय जायो।

सों 13. सिदबिनि आयेनखौ बल्ला गनायनाय आरो बल्लानिफ्राय हाबा मावनाय?

फिन : सिदबि आयेनखौ 1989 मायथाइयाव गनायो आरो 1990 मायथाइनिफ्राय सिदबिया हाबा मावनो जागायो।

सों 14. गाहायाव होनायफोरनि आबुं मुंखौ लिर

IDBI, RRB, NABARD, SIDBI, NEDFI, ICICI, SBI

फिन : IDBI - Industries Development Bank of India.

RRB - Regional Rural Bank.

NABARD - National Bank for Agriculture and Rural Development.

SIDBI - Small Industries Development Bank of India.

NEDFI - North East Development Finance Corporation of India.

ICICI - Industrial Credit and Investment Corporation of India.

SBI - State Bank of India.